

Թեհմինա Մարուտյան
Բանասիրական գիտությունների թեկնածու, դոցենտ
Գորիսի պետական համալսարանի գիտական քարտուղար,
Հայոց լեզվի և գրականության ամբիոնի դասախոս
tmartuyan@mail.ru

ԱՐՑԱԽՅԱՆ ՀԻՄՆԱՀԱՐՑԸ ՄԻՍՈՆ ՄԻՍՈՆՅԱՆԻ ԽՄԲԱԳՐԱԾ
<<ՍՓԻՒՌՔ>> ՇԱԲԱԹԱԹԵՐԹԻ ԷՋԵՆԵԴՆԻԿ
Թ.Հ.ՄԱՐՈՒԹՅԱՆ

Բանալի բառեր: Սփյուռք, շաբաթաթերթ, Միմոն Միմոնյան, Արցախյան հիմնահարց, Արցախ, Նախիջևան, Սովետական Միություն, սփյուռքահայություն:

Tehmina Maroutyan

ARTHAKH ISSUE IN THE PAGES OF SIMON SIMONYAN'S "SPYURK" WEEKLY PAPER

From 1958 to 1978, in Beirut, by the initiative and editorial of Lebanon-Armenian famous writer, philologist, historian and publicist Simon Simonyan the "Spyurk" literary, artistic, public weekly magazine published in Beirut in 1958-1978 which has its unique trajectory in the history of both Lebanese-Armenian's and in Diaspora's media. The Diaspora gave wide importance to the socio-political life in its pages, had a national-liberal direction. One of the main themes of the paper was the issue of Artsakh and Nakhijevan, the issues of the solution of the domestic lands. The present study is dedicated to the Artsakh issue as presented in the "Spyurk" weekly paper.

Key words: Diaspora, weekly paper, Simon Simonyan, Artsakh issue, Artsakh, Nakhijevan, Soviet Union, Armenian Diaspora.

Теймина Марутян

ОСВЯЩЕНИЕ АРЦАХСКОЙ ПРОБЛЕМЫ В ЕЖЕНЕДЕЛЬНИКЕ "СПЮРК"

Симон Симонян - известный ливанский писатель, лингвист, историк и публицист армянского происхождения, редактор литературного, художественного, общественного еженедельника "Спюрк". "Спюрк", издающийся в период от 1958-1978гг. в Бейруте, оставил неизгладимый след в истории армяно-ливанской и всей армянской диаспоры. В журнале особое внимание было уделено отображению социально-политической реальности и национально-освободительной идеологии. Одна из затрагиваемых ключевых тем был вопрос армянских земель Арцаха и Нахичевани. Эта статья посвящена освящению арцахской проблемы в еженедельнике "Спюрк".

Ключевые слова: диаспора, еженедельник, Симон Симонян, арцахский вопрос, Арцах, Нахичевань, Советский Союз, армянская диаспора

Լիբանանահայ նշանավոր գրող, բանասեր, պատմաբան, հրապարակախոս Միմոն Միմոնյանի նախաձեռնությամբ ու խմբագրությամբ Բեյրութում 1958-1978թթ. հրատարակված «Սփիւռք» գրական, գեղարվեստական, հասարակական շաբաթաթերթը լիբանանահայ և, ընդհանրապես, Սփյուռքի մամուլի պատմության մեջ իր ուրույն հետազոծն ունի: «Սփիւռք»-ն իր էջերում լայնորեն տեղ է հատկացրել նաև հասարակական- քաղաքական կյանքին, ունեցել ազգային-ազատական ուղղություն: Թերթի արձարձած գլխավոր թեմաներից մեկը Արցախի ու Նախիջևանի հիմնահարցն էր, հողային ներքին հարցերի լուծման ուղիներին նվիրված խնդիրների քննարկումը:

Ներկա ուսումնասիրությունը նվիրված է «Սփիւռք» շաբաթաթերթում Արցախյան հիմնահարցի արձարձումներին: Վերլուծվում են թերթում տեղ գտած կարևորագույն հրապարակումները, որոնց հենքի վրա ուրվագծվում է «Սփիւռք»-ի ակտիվ դերակատարությունը

Արցախյան ազատագրական պայքարի գաղափարախոսության ձևավորման ու զարգացման գործում:

Հենց առաջին համարից պարզ է դառնում, որ «Մփիւռք»-ը ասպարեզ է մտնում՝ ունենալով «անելիք, հաւատք՝ մեր ընելիքին հանդէպ եւ քաջութիւն՝ մեր ընելիքը բարձր չափանիշով իրագործելու»¹: Ի թիվս այլ առաջադրությունների՝ «Մփիւռք»-ն ի սկզբանէ հայտարարում է, որ չի ենթարկվելու որևէ կուսակցության «թելարկումին» և լինելու է անկախ «Արարատի պէս» և լինելու է դարձյալ Արարատի պէս հայկական, նույնիսկ օտար հողի վրա²: Մատնանշելով թերթի դիրքն ու անելիքը՝ Սիմոնյանը գրում է. «Միամիտ չենք կարծելու, որ մեր ճամբան ծածկուած է միայն վարդերով: Դեռ ճամբայ չելած արդեն արիւնոտուած ենք փուշերէ»³: Թերթի բոլոր հրապարակումները, ազգային այժմեական հարցերի քննարկումները տոգորված էին ազատախոսությամբ, պայքարի ոգով: Հայ ժողովրդի ամբողջականության ու միասնականության հավատը մշտապէս ուղեկցել է «Մփիւռք»-ին, որի մեկնակետը «հայ ժողովրդի եւ անոր դարաւոր Հայրենիքին յաւերժացեալ ամբողջացումն» էր⁴: Իսկ դա հնարավոր էր միայն «հայկական հողերու» հարցի լուծման, Ղարաբաղի, Նախիջևանի ու Ախալքալաքի՝ հայրենիքին վերամիավորելու իրողություններով:

«Մփիւռք»-ը միշտ «մատը դրած է այն նիւթերու վրայ, որոնց մասին արգիլուած էր խօսիլ կամ գրել»⁵, ուստի պատահական չէ, որ թերթը ունեցել է մոլեռանդ հակառակորդներ թե՛ Մփյուռքում, թե՛ հայրենիքում: Հատկապէս հայրենիքի դռները Սիմոն Սիմոնյանի առաջ փակվեցին, երբ նա 1958 թվականից արդեն համարձակություն ունեցավ սովետական մտակաղապարներին ոչ հարիր ազգային հարցեր բարձրացնել, որոնց թվում հայկական հողերի՝ Ղարաբաղի, Նախիջևանի ու Ախալքալաքի՝ Սովետական Հայաստանին կցելու առաջարկ-պահանջն էր, ինչպէս նաև Հայոց Եղեռնի ճանաչումն ու դատապարտումը:

«Մփիւռք»-ն էր, որ առաջինը հրապարակ հանեց Եղեռնի 50-ամյա տարելիցը համազգայնորեն ոգեկոչելու պահանջը՝ առաջարկելով մշակված ծրագրեր, դարձյալ «Մփիւռք»-ն էր, որ 1958-1959թթ. մեջտեղ բերեց Ղարաբաղի խնդիրը: Էական է նկատել, որ Մփյուռքում(և ոչ միայն Մփյուռքում) Սիմոն Սիմոնյանն առաջինն էր, որ 1960 թվականին բաց նամակով դիմեց Ադրբեջանի ԽՍՀ-ի նախագահին և պահանջեց ԼՂ-ի, Նախիջևանի մարզերը վերադարձնել պատմական հայրենիքին:

«Մփիւռք»-ի մատենագիտության նախախոսքում Սիմոնյանը գրում է. «Հարկ է հիշեցնել, որ «Մփիւռք» շաբաթաթերթին մէջ յայտնուեցան առաջին գաղափարներ, առաջին անգամ մտածուած առաջարկներ ու պահանջներ, ինչպէս Ապրիլեան Եղեռնի յիսնամեակի ոգեկոչում, հողային պահանջ, հայկական դատ արիական պայքարով, հայկական դրամատուներու ցանց, Հայկական կեդրոնական գերագոյն Մարմին եւ այլն եւ այլն: Այսօր այնքան տարածուած ու շեփորուած այս եւ այլ գաղափարներու առաջին հունտերը պետք է փնտրել «Մփիւռք»-ի էջերուն մէջ»⁶:

Հայկական հողերի վերամիավորման պահանջը շուրջ երկու տասնամյակ «Մփիւռք»-ը բարձրաձայնեց «անկաշկանդ ճշմարտախոսությամբ», հարթող, մերթ անգուսպ քննադատությամբ՝ ձեռք բերելով հակառակորդներ և՛ ներքին և՛ արտաքին ճակատներում: Գտնվեցին պարբերականներ ու առանձին մտավորականներ, որոնք «մեծ փութկոտությամբ ու եպերելի միամտությամբ» մեղադրեցին Սիմոնյանին՝ «Մփիւռք»-ի պահանջը դիտելով անժամանակ, անճիշտ և նույնիսկ ... վնասակար: Թերթը, սակայն տոկաց ու չնահանջեց գրեթե 17 տարի, ինչպէս Սիմոնյանն է ցավ ի սիրտ նշել՝ «բարոյապէս միայն հաղթելով՝ Վարդանանց պատերազմին պէս»⁷:

Մփյուռքահայ շրջանում Ղարաբաղյան հիմնահարցի ուսումնասիրման ու լուսաբանման համար բացառիկ կարևորություն ունեն «Մփիւռք»-ում հրապարակված նյութերը, հատկապէս Սիմոնյանի հեղինակած ծրագրային բնույթի խմբագրականները:

¹ «Մփիւռք», 1958, թիվ 1, 4 ապրիլի, էջ 3:

² Նույն տեղում, էջ 4:

³ Նույն տեղում, էջ 4:

⁴ «Մփիւռք», 1958, թիվ 3, 20 պրիլի, էջ 3:

⁵ Մատենագիտություն Մփիւռք շաբաթաթերթի, Բեյրութ, 1984, էջ

⁶ Մատենագիտություն Մփիւռք շաբաթաթերթի, կազմ.՝ Ս. Օգնայեան, Բեյրութ, 1984, էջ Ե:

⁷ Նույն տեղում, էջ Է:

«Մփիւռք»-ում 1960 թվականին Միմոնյանը ստորագրում է առաջին ծավալուն առաջնորդող՝ «Հայկական հողերու հարցը» խորագրով: Հայաստանի խորհրդայնացման 40-ամյակը համարելով լավագույն առիթը՝ նա հանրության ուշադրությունը կենտրոնացնում է համազգային նշանակություն ունեցող կենսապահպան հարցին՝ հանդես գալով պատմական Հայաստանի «օրկանական մաս» կազմող, էապես ու հարազատորեն հայկական Նախիջևանը, Ղարաբաղը և Ախալքալակը Հայաստանին վերադարձնելու պահանջով: Սովետական Հայաստանը, Միմոնյանի կարծիքով, վաստակել է հայրենական հողերին տեր կանգնելու իրավունքը, քանզի քառասուն տարիներ ի վեր «անտրտունջ, յաճախ ամենէն դաժան պայմաններու մէջ» իր նվիրումով ու հավատարմությամբ ծառայել է Սովետական Միության իդեալներին: Նա հիշեցնում է, որ երկրորդ համաշխարհային պատերազմի ժամանակ հայ ժողովուրդը զոհաբերեց իր կարելիությունների ու հնարավորությունների առավելագույնը: «Բոլոր շքեղ իրագործումներուն, անհաշիւ զոհաբերութեանց եւ անշահախնդիր հաւատարմութեանց ու նուիրումին համար հարկ է, որ վարձատրուի հայ ժողովուրդը»¹: Հայ ժողովրդի պատմական, արդար ու հայրենական հողերը վերադարձնելով՝ Սովետական Միությունը կունենա կենսական մեծ շահեր՝ «կ'ապացուցանէ իր արդարադատութիւնը», Ադրբեջանը և Վրաստանը կփաստեն իրենց եղբայրական» վերաբերումը, Մփյուռքի հայության սերն ու վստահությունը պիտի աճեն ու գորանան Սովետական Միության հանդեպ և, վերջապես, Միմոնյանի համոզմամբ, Սովետական Միությունը իր հարավային սահմանների մէջ կունենա տարածությամբ ու բնակչությամբ հզոր ու վստահելի պատնէշ՝ ի դեմս Հայաստանի: Միմոնյանը պարզ ու որոշակի փաստարկումներով ավելորդ չի համարում հիշեցնել, որ Սովետական Միությունը պետք է հաշվի նստի պատմական ճշմարտության հետ և ընդունի, որ Ղարաբաղը, Նախիջևանը և Ախալքալակը «անբաժանելի ու արդար» հողամասերն են եղել պատմական Հայաստանի:

«Մփիւռք» շաբաթաթերթի 1960 թվականի օգոստոսի 13-ի համարում հրապարակվում է Միմոնյանի բաց նամակը² Ադրբեջանի հանրապետության նախագահին, որում նա «խորհրդային» եղբայրության ու համերաշխության դիրքերից հիշեցնում է պատմական ճշմարտությունը, այն, որ նախասովետական շրջանի անարդար կարգադրությամբ հայրենիքից բաժանված և Ադրբեջանին բռնակցված երկու շրջանները պետք է վերադարձվեն իրական տիրոջը՝ Հայաստանին: «Հայաստանի խորհրդայնացման քառասունամյակը շքեղ առիթն է Ձեզի, ձեր երկրին եւ անոր բարի ժողովուրդին համար՝ տալու փաստը իր իրաւ եղբայրութեան, ինչպէս նաեւ իրաւակարգի ուսմունքին մէջ դաստիարակութեան իր չափանիշին», - գրում է Միմոնյանը³: Միջանկյալ նշենք, որ Ղարաբաղի ու Նախիջևանի խնդրով դա առաջին բաց նամակն էր: Հետաքրքրական է թերթի նույն համարում հրապարակված «Ինչու՞ Մփիւռքի հայութիւնը պետք է որ պահանջէ հայկական հողերը» խորագրով ակնարկը, որում արդեն Միմոնյանը խորացնում է վերլուծական հայացքը՝ հարցը քննելով Խորհրդային Հայաստան-Մփյուռք քաղաքական-դիվանագիտական հարաբերությունների համատեքստում: Ստեղծված իրապայմաններում «սովետական» հայությունը որքան էլ պահանջ զգա իրականացած տեսնելու Ղարաբաղի, Նախիջևանի ու Ախալքալակի վերամիավորումը մայր հայրենիքին, չի կարող իր արդար պահանջն արտահայտել «ոչ պետական երկիրներու մէջ ընդունուած կերպերով, որոնք այնտեղ – Սովետական Միութեան մէջ – ընդունելի եւ արտոնուած չեն»⁴: Հետևաբար Մփյուռքի հայութանը վիճակված է բախտորոշ դեր՝ հայկական հողերի պահանջը բարձրաձայնելու: Արտասահմանի հայ քաղաքական դեկլավարները ոչ միայն Մփյուռքի հայությանը չեն կազմակերպել այդ ուղղությամբ, այլև, Միմոնյանի համոզմամբ, գործել են լուրջ սխալներ և պատճառ դարձել մեր արդար պահանջի իրագործման հապաղման: 1. «Մփիւռքի Հայաստանի բարեկամ հատուածներու պահանջք չներկայացնելը, այսինքն ցաւալի լռութիւնը Սովետական Միության մէջ լռելայն մեկնաբանուած է որպէս մեր արդար պահանջքին ոչ-անհրաժեշտ եւ ոչ – անմիջական ըլլալուն իրողութիւնը», 2. «Միւս կողմէ, երբ մեր այդ արդար պահանջքը ներկայացնելու «մենաշնորհը» ձգուած է ներկայ Հայաստանի թշնամի հատուածին, այսինքն՝

¹ «Մփիւռք», 1960, թիվ 31, 13 օգոստոսի, էջ 2:

² «Մփիւռք», 1960, թիվ 32, 20 օգոստոսի, էջ 1:

³ Նույն տեղում, էջ 1:

⁴ Նույն տեղում, էջ 2:

Դաշնակցութեան, մեր արդար պահանջները վերածուած են հակառակորդի, թշնամիի, «ազգայնական» արտահայտութիւններուն:

Տոդատակն արդեն բացում է հարցի միջուկը, Խորհրդային Հայաստան-Սփյուռք հարաբերությունների գլխավոր կնճիռը՝ հատկապես հողային պահանջի առնչությամբ, ինչը համարվում էր «ազգայնամոլություն», այսպես ասած, Դաշնակցության պահանջ, ինչն անհարիր էր Խորհրդային Միության Կոմկուսի ազգային քաղաքականությանը: Խորհրդային տարիներին հատակ ձևավորված գաղափարախոսությամբ ու կենտրոնացված ղեկավարմամբ անհանդուրժողական վերաբերմունք էր դրսևորվում այլախոհական մտքերի նկատմամբ, որպիսին նաև Ղարաբաղի հարցն էր: Ժամանակի գաղափարախոսական թելադրանքներից բխող «ազգայնական թեմաների» կապանքը հայրենիքում փոքր-ինչ թուլացավ 1965-1970-ական թթ., երբ Ղարաբաղի հիմնախնդիրը թեսակոխեց քննարկումների նոր հանգրվան:

Միմոնյանի խորամիտ դիտարկումով՝ Հայաստանի պետական ղեկավարությունն ու ժողովուրդը անցնող քառասուն տարիների ընթացքում չկարողացան պահանջներ ներկայացնել՝ «հարկադրուած ըլլալով յարգելու միջպետական այն «էթիքերը», որ գոյութիւն ունի «եղբայրական» հանրապետութիւնների միջև»¹: Հայկական Սփյուռքն այդ պարագայում բախտավոր իրողություն է, և Սփյուռքից էլ մայր ժողովուրդը սպասում է «մանաւանդ հայկական հողերու պահանջումը»: Ավելին, Սովետական Միությունը Սփյուռքի պահանջը ստիպված է հաշվի առնելու, որովհետև Սփյուռքը Սովետական Հայաստանի համար եղել է «նպաստավոր ազդակ մը՝ նիւթապէս թէ բարոյապէս, որի համար արժանի է վարձատրուելու»: «Շքանշանները բարարարութիւն չեն տար մեզի, - գրում է Միմոնյանը: - ամբողջ հայ ժողովրդի վիզին համար ունէ շքանշան հեգնանք պիտի թուի»²: Հայ ժողովրդի համար խորհրդայնացման 40-ամյակի առթիվ կա մեկ շքանշան՝ հայկական նահանգների վերամիավորումը մայր հայրենիքին, ինչից հետո այն կդառնա Սփյուռքի հայության վերադարձի օրրանը: «Առաջին գանգը հնչեցնելու նուիրական առաքելութիւնն ու պատիւը կ'իյնան Սփիւռքի հայերու ուսերուն»:

«Սփիւռք»-ը հետևողականորեն արձագանքել է ժամանակի սփյուռքահայ մամուլի («Յառաջ», «Խթան», «Պայքար», «Յուսաբեր» և այլն)՝ Ղարաբաղի հարցի շուրջ քննադատական հրապարակումներին, վկայակոչումներին, տեսակետներին, հայրենիքից եկող «բարենշան» նորություններին, որոնց շուրջ արտահայտել է ուրույն կարծիքներ, տվել համարձակ գնահատականներ: «Սփիւռք»-ի գաղափարական ուղեգծի դեմ ի սկզբանէ պայքար է մղել կուսակցական մամուլը, որին թերթը պատասխանել է անկողմնակալ, հավասարակշռված և առանց մադձի: Այդ արձագանքների մեջ ուշագրավ է Ռամկավար ազատական կուսակցության «Պայքար» պաշտոնաթերթի՝ 1960 թվականի խմբագրականներից մեկի առթիվ գրված վերլուծականը: Բանն այն է, որ Անդրանիկ Անդրեասյանի խմբագրապետությամբ լույս տեսնող «Պայքարը» 1959 և 1960 թվականների ընթացքում բազմիցս հակադրվել էր «Սփիւռք»-ին՝ մեղադրելով հողային հարցն արձարծելու մեջ և թերթի պահանջը գտնել «անժամանակ, կանխահաս, վնասակար եւ ... ռոմանտիկ»³: Եվ ահա «Պայքար»-ի վերոնշյալ խմբագրականն արժանանում է «Սփիւռք»-ի քննադատությանը: Միմոնյանը նախ «հապաղած» է համարում թերթի հետդարձը խնդրին մի հողվածով, որ «ՃԻՇԴ ու ՃԻՇԴ մեր ոգիով, մեր պատճառաբանությամբ եւ յաճախ մեր բառերով նոյնը կը պահանջէ», և ապա մեղադրում է «Պայքար»-ին՝ խմբագրականի՝ ակամա և հարկադրանքով գրած լինելու մեջ: Այն դեպքում, երբ Սփյուռքի հայությունը ճակատագրական ու բախտորոշ դեր ուներ հողային պահանջի իրագործման մեջ, նույն այդ հայությունը 1950-ականներից սկսած թերացավ իր առաքելության մեջ՝ գոհ գնալով «Պայքարն»-երու թերի և աննդունելի ուղեցուցումներուն և «սովետագիտությանը»: Իսկ հապաղած ամեն ձեռնարկ քիչ հավանակություն ունի հաջողության: Անդրադառնալով «Պայքար»-ի առաջարկած լուծման տարբերակին, թե «Մոսկուայի կառուարութիւնը ուղղակի դէր մը պիտի չունենայ Նախիջեւանի ու Ղարաբաղի Հայաստանի վերադարձուելու մէջ» և սահմանադրութիւնը իրավունք է երաշխավորում անդամ հանրապետություններին ներքին սրբագրումներ կատարելու՝ զիջողության պայմանով, «Սփիւռք»-ի խմբագիրը գրում է, որ միայն Ադրբեջանի բարեկամեցողության վրա հույս դնելը

¹ Նույն տեղում, էջ 2:

² Նույն տեղում, էջ 2:

³ «Սփիւռք», 1960, թիվ 42, 29 հոկտեմբերի, էջ 1:

նշանակում է հետևել առակին. «Մայր ոչխարը իր գառնուկները յափշտակած գայլին նամակ կը գրէ, խնդրելով որ իր ձագուկները անվնաս եւ իր ձեռքով (այսինքն՝ չորս ոտքերով) վերադարձնէ...»¹: Հիշեցնում է, որ նույն ոգևորությամբ ու հավատով «Սփիւռք»-ն էլ բաց նամակ էր հղել Ադրբեջանի ղեկավարությանը, սակայն ապարդյուն: Այս հրապարակման մեջ արդեն նկատվում է, որ թուլանում է Միմոնյանի լավատեսությունը «եղբայրական դիրքերից» հողային հարցի լուծման նկատմամբ: Ղարաբաղի ու Նախիջևանի հարցի արժարձումը «հայրենավնաս» համարող «Պայքար»-ը սկսել էր կամարտահայտվել, ինչն արժանանում է անկախ «Սփիւռք»-ի կծու հեզնանքին՝ ուղղված կուսակցական կարգապահությունն որդեգրած մամուլի օրգանին. «Բաներ կան, որոնց մասին խօսելու առանձնաշնորհումը միայն ռամկավարները ունին ՌԵԻԷ ժամանակ, միշտ հայրենասերի եւ դիւանագետի վկայագիրներով»²:

Էական է նշել, որ Միմոնյանը դարձյալ անդրադարձել է «Պայքար»-ի խմբագիր Անդրանիկ Անդրեասյանին՝ «Սփիւռք»-ի՝ 1971 թվականի սեպտեմբերի 19-ի համարում հրապարակելով Ղարաբաղին նվիրված նրա մի հոդվածը՝ «Արդարության համար» խորագրով³: Հոդվածին կից խմբագրական ծանուցման մեջ թերթը ժամանակավրեպ է համարում Անդրեասյանի անդրադարձը Ղարաբաղի խնդիրն՝ ցավով արձանագրելով, որ շուրջ մեկ տասնամյակ առաջ, երբ «Սփիւռք»-ն առաջ քաշեց Ղարաբաղի ու Նախիջևանի հարցը, մեղադրողներից մեկը Անդրանիկ Անդրեասյանն էր՝ նկատումով, թե «ատենը չէ»: Հիմա նա ինքն է պանաջում Ղարաբաղը՝ ճիշտ «Սփիւռք»-ի «պատճառաբանություններով»: «Սփիւռք»-ն, այնուամենայնիվ, մեղք չի համարում Ղարաբաղ պահանջելը, եթե անգամ «յարմար ատենը չէ» և մենք կորցրել ենք առիթը:

Միմոնյանը տարբեր հրապարակումներում անդրադարձել է անկախ մամուլի կարևորությանն ու անհրաժեշտությանը: «Սփիւռք»-ի հրատարակության կարևոր պատճառներից մեկը նա համարել է «Հայ մտածումի անկախության բեմ ունենալը»⁴: «Անկախությունը աւելի դժուար է քան կուսակցականությունը – իրապես անկախ մամուլ մը ունի նոյնքան նուիրական առաքելություն որքան կուսակցական մամուլը»⁵, գրում է Միմոնյանը: Անկախ, սակայն, չի նշանակություն, չեզոք, ինչն ի սկզբանե եղավ «Սփիւռք»-ի սկզբունքը: Որպես անկախ ու անկուսակցական պարբերական՝ «Սփիւռք»-ը դարձավ հայության ձայնը՝ ազգային կարևոր հարցերի շուրջ կարևորելով միասնական մոտեցումի անհրաժեշտությունը:

Ղարաբաղի հարցի արժարձումը «Սփիւռք»-ի հետագա հրապարակումներում ի հայտ է բերում ուշագրավ զարգացումներ: 1961 թվականի փետրվարի 18-ի համարում Միմոնյանը ստորագրում է «Եաշա, Գարդաշ Ատրբեճան» խորագրով խմբագրականը՝ ադրբեջանցի գրող Միրզա Իբրահիմովի՝ Հայաստանի խորհրդայնացման 40-ամյակին ուղղված շնորհավորականի առիթով: Խմբագրականը պարզում է Միմոնյանի ներքին անհամաձայնությունը խորհրդային վարչակարգի վարած քաղաքականությանն նկատմամբ: «Գարդաշ» Ադրբեջանը, չվերադարձնելով Հայաստանին իր պատմական հողերը, «չեղաւ իրաւ գարտաշ», ավելին, փաստեց, թե «ինք կեղծ կոմունիստ է եւ կ'ընթանայ ազգայնամոլական ու համաթուրանական պողոտաներէն, ջրդեղուելով արտասահմանի հայութեան լուրթեամբ»⁶:

Ձարգացնելով իր տեսակետը հիմնախնդրի լուծման շուրջ՝ Միմոնյանը «Հայաստանի խորհրդայնացման քառասունամեակի տօնակատարութենէն ետք» խմբագրականում լուրջ մտահոգություն է հայտնում հոբելյանի հետաձգման անհասկանալի հանգամանքների շուրջ և ենթադրյալ պատճառների համատեքստում փորձում գնահատականներ տալ հայ ժողովրդի արդար պահանջին գոհացում չտալու՝ խորհրդային միության երկդիմի քաղաքականությանը: Առաջ են քաշվում հռետորական հարցադրումներ. որևէ առնչություն ունե՞ն արդյոք «հետաձգումի թվականէն ետք» տեղի ունեցած պաշտոնականությունները, մասնավորապես «Հայաստանի թիվ առաջին մարդուն», Կոմկուսի ղեկավար Սուրեն Թովմասյանի և գործակիցների մի խմբի շնորհագրկումը: Հայտնի է, որ Սուրեն Թովմասյանը համարձակորեն կապեր էր հաստատել նաև

¹ Նույն տեղում, էջ 1:

² Նույն տեղում, էջ 1:

³ «Սփիւռք», 1971, թիվ 37, 19 սեպտեմբերի, էջ 1:

⁴ Մատենագիտություն Սփիւռք շաբաթաթերթի (1958-1978), Բեյրութ, 1984, էջ Գ-Ե:

⁵ Նույն տեղում, էջ Է:

⁶ «Սփիւռք», 1961, 18 փետրվարի, էջ 1:

հայկական կուսակցությունների՝ հնչակների ու ռամկավարների, նրանց միջոցով նաև Սփյուռքի հետ:

Ժողովուրդը արտասահմանում ու մայր հայրենիքում սպասում էր ոչ թե հայի «հավիտենական առաքինությունների» մասին խրուչչովյան ճառին, այլն արդարության, քանզի նույն «Սովետական Միությունը ինքզինքը հռչակած է դրօշակիրը ժողովուրդներու արդար իրաւունքներու պաշտպանութեան»¹: Միմոյանը հիշեցնում է, որ «Սփիւռք»-ը տարիներ ի վեր անսայթաք ու անշեղ կերպով դրօշակիրն է եղել հայկական հողերի պահանջի, ինչի պատճառով ենթարկվել է հալածանքների, «սպրդասացությունների» ու բամբասանքերի՝ հաճախ այնպիսի մարդկանց կողմից, որոնց տեղը պիտի լիներ «հայ կեանքէ դուրս»: Թերթն, իհարկէ, չի զոջում ստանձած առաքելության և հանդիպած դժվարությունների համար: Ավելին, «հպարտ ենք մեր արարքին համար, վասնզի յաղթանակեց մեր տեսակետը եւ Հայաստանի հարազատ ժողովուրդը ձայնակից գտանք մեզի»: Տարեդարձի մեծագույն պարզևը չունեցանք, բայց, Միմոյանի խորունկ եզրակացությամբ, ունեցանք ոչ նվազ թանկագին այլ բան՝ «մեր իրաւունքներուն հանդէպ գիտակցութիւն եւ հաւատքի բարձրացում»²:

Պետք է նշել, որ «Սփիւռք»-ը հողային հարցի լուծման ուղիները մատնանշելիս ի սգբանէ գերադասաւելի է համարել խաղաղ ու բարեկամական միջոցների կիրառումը, դիվանագիտական ջանքերը, սահմանային «սրբագրումները», սակայն այդ ամենով հանդերձ խիստ կարևորել է ժողովրդի ներքնաշերտերում ազգային ամբողջականության, միասնականության, պահանջատիրության գիտակցություն արթնացնելը, արտասահմանում հայանպաստ շարժում առաջ բերելը, հողային հարցը համագումարներում, միտինգներում քննարկելն ու համազգայնացնելը:

Իր խմբագրականներն ու վերլուծականները Միմոյանը հաճախ ուղեկցում է անխնա երգիծանքով, ինչը նրա գեղարվեստական մտածողության յուրահատկությունն է: Հիմնահարցի քննարկումներին նոր երանգ են հաղորդում թերթի «Հայկական սյունակ»-ում պարբերաբար հրատարակվող ֆելիետոնները: «Եթէ չհինցաւ Խրուչչեւի կօշիկը» ֆելիետոնում խմբագրի խայթիչ գրչի «թիրախն» է դառնում Խրուչչովի կոշիկը, որով նա զայրույթի պահին մի անգամ զարկել էր նստաշրջանի սեղանին: Արտասահմանի հայ պատվիրակների հարցին Խրուչչովի տված պատասխանը, թե Ղարաբաղի հարցի լուծումը կենտրոնից կախված հարց չէ, այլ կախված է դրացիի բարյացակամությունից, դարձել է ազդակ, ինչի շուրջ խմբագիրը գրում է. «Պրն. Խրուչչեւ մեզի ցոյց կու տա «դրացիին բարեացակամութեան» դուռը: Բայց եթէ «դրացի»-ն շարունակէ անբարեացակամ մնալ, ով անոր պիտի տայ բարեացակամութեան դասը»³: Եվ ապա, եթէ դեռ չի հնացել Խրուչչովի կոշիկը, հայ ժողովուրդը «կրնա՞ անոր հույս մը կապել», գուցէ ավելի հուսալի լինի կոշիկի զարկը, քան դրացիի բարյացակամությունը:

Թերթի վերլուծականներում Միմոյանը հանգում է այն տեսակետին, որ հայերը մեծ հույսեր չպիտի կապեն դրացիի բարյացակամության ու Խորհրդային միության արդարադատության հետ: Ազգային քաղաքականության ուղեգիծ մշակելու և հայության արդար պահանջը իրագործելու համար Միմոյանն ընդգծում է «համազգային, ներդաշնակ, հաւատաւոր եւ գիտակից գործակցութեան» անհրաժեշտությունը, և որպեսզի թերացումները չկրկնվեն, անհապաղ պետք է իրագործել հետևյալ հավաքական գործերը. 1. «Համագաղութային յուշագիր եւ հանրագրութիւն մեր պահանջներուն համար», 2. «Համագաղութային համագումար, հայրենակցական կազմակերպութեանց ներկայացուցիչներով»⁴: Միմոյանը գործնական մոտեցում էր պահանջում Ղարաբաղյան հիմնահարցին, հայության մեջ խոսքն ավելի շատ էր, քան գործը: Վերոնշյալ առաջադրությունները ծրագրային նշանակություն ունեին շաբաթաթերթի համար: Պետք է անցնել գործի, որպեսզի ուժերը չջլատվեն: Հետևում է գլխավոր հարցադրումը՝ ո՞վ պիտի նախաձեռնակ լինի՝ կազմակերպելու այդ աշխատանքները՝ եկեղեցի՞ն, Հ.Բ.Ը. Միությունը՞, թե՞ կուսակցությունները: «Սփիւռք»-ի կարծիքով՝ հարմարագույնը Հնչակյաններն են, որ հարցի շուրջ ի սկզբանէ ցոյց տվեցին «գիտակցություն, քաջութիւն եւ նախաձեռնութեան ոգի»: Միմոյանի

¹ «Սփիւռք», 1962թ., 27 մայիսի, թիվ 20, էջ 1:

² Նույն տեղում, էջ 2:

³ Նույն տեղում, էջ 1:

⁴ «Սփիւռք», 1961թ, 3 հունիսի, թիվ 21, էջ 1:

հարդորով՝ այլևս իրավունք չունենք թերանալու, հանուն հայության արդար պահանջի, պետք է մոռանանք մեր «անհատական թե կուսակցական եսասիրությունները»: Շատ բան կախված է միասնականությունից, մեր ազգային ինքնության դրսևորման ներուժից, ինչի վկայությունն էլ Արցախյան շարժումն էր ու փառապանծ ազատամարտը:

Ուշագրավ են Խրուշչովի՝ 22-րդ համագումարում արտասանած ճառի շուրջ Սիմոնյանի խորհրդածությունները, որոնք հրապարակվեցին «Կայծակե թուրին տակ» խորագրով¹: «Սփիւռք»-ի հրապարակումներից մեկում² Սիմոնյանը ուրախությամբ ընդգծում է, որ ցանած հունդերը ծիլեր են տալիս և ստեղծվում է միասնական հայեցակետ՝ հայկական հողերի հարցի շուրջ: Հասունացել է ժամանակը, որ արտասահմանի հայկական բոլոր հոսանքները ազդու կերպով պահանջեն հայկական հողերի վերամիավորումը մայր հայրենիքին: Առիթը, պարբերաթերթի ծանուցմամբ, ստեղծել է Խորհրդային միության սահմանադրության փոփոխությունը, որի նախագիծը պատրաստող հանձնախումբում են նաև չորս հայ բարձրաստիճան անձնավորություններ Ա.Միկոյանը, Հ.Զարոբյանը, Շ.Առուշանյանը և Ա.Արզումանյանը: «Սփիւռք»-ի խմբագիրը ողջունում է «Արարատ», «Զարթոնք» ու «Նաիրի» պարբերաթերթերի ակտիվ դիրքորոշումները և դարձյալ կոչ անում միահավաքվելու հայրենի հողերը վերադարձնելու ազգուխտյալ գաղափարի շուրջ:

Սիմոնյանը բազմիցս ցավով նշել է, որ «Սփիւռք»-ն ունեցել է ավելի թշնամիներ, քան համակիրներ: Եղել են մարդիկ, որոնք թերթին մեղադրել են առանց «քաղաքագիտական ճարտարանքներու» իրականությունն ի ցույց դնելու մեջ: Սիմոնյանի դիպուկ բնորոշմամբ՝ թերթի ընդդիմախոսները «կուսակցական կարգապահությունը հայրենասիրության հետ շփոթեցին եւ երբեք չհասկացան «Սփիւռք»-ի անշահախնդիր, քաջ և անվերաքննելի ուղղությունը»³: Այդպիսի մի շարժառիթով Սիմոնյանը համարժեք պատասխան է տալիս Վահե Վահյանին՝ «Զարթոնք»-ում հողային հարցի շուրջ հրապարակած մի հոդվածի առնչությամբ: Վահյանը հայկական հողերի վերամիավորման հարցադրումն ու դրա հետապնդումը համարում էր հայրենական պետության և տվյալ շրջանների բնակչության գործը և կարծում էր, որ «անժամանակ ու մանաւանդ աղակարար ամեն միջամտութիւն արտասահմանէն» ոչ միայն չի ընծայում որևէ նպաստ այդ հարցին, այլև վտանգում է դրա լուծման հնարավորությունը: Սիմոնյանը խիստ քննադատության է ենթարկում Վահյանի այս և նման ոչ ազգօգուտ դատողությունները: Ռամկավար չլինելով, բայց և հանուն «Զարթոնք»-ի հայտարարություն անելով՝ Վահյանը հակասող վերագրում է անում հենց «Զարթոնք»-ին, որ նույն համարի խմբագրականում Հայաստանից անջատված հողերի վերամիավորման պահանջ է դնում և մեծապես կարևորում արտասահմանի հայության գործուն մասնակցությունը Ղարաբաղյան հիմնահարցի լուծման գործընթացին: Մինչդեռ Վահե Վահյանը պատգամում է հակառակը՝ հողային «հարցադրումն ու անոր հետապնդումը» հանձնելով հայրենական պետությանը, այսինքն՝ Սովետական Հայաստանին, որ 42 տարի նման բան չի արել («չհաշվելով պանծալի ու դիւցազնական Աղասի Խանջյանը»⁴) և չի կարող հետապնդել հաջորդ տարիներին, որովհետև «սովետական կարգերու մեջ կեդրոնէն կամ դրացիէն բան պահանջելու օրէնքը օրէնքէն դուրս հանուած է եւ նման էթիքէթ գոյութիւն չունի և չի՝ կրնար ունենալ»⁵: Քննադատության երակը խորացնելով՝ Սիմոնյանը մեղադրում է Վահյանին «հայրենի մարդոց թելադրությամբ» Սփյուռքում միտումնավոր հայտարարություն անելու մեջ: «Դժբախտաբար հայրենիք այցելողները ճիշտ ու սխալ յայտարարութիւններ կ'ընեն յանուն «հայրենիքի մարդոց», - գրում է Սիմոնյանը⁶: Իսկ «հայրենի մարդերը», բարեբախտաբար, մեկ տեսակ չեն: «Վատ հայերը Հայաստանի թե

¹ «Սփիւռք», 1962, 25 հունվարի, թիվ 3:

² «Սփիւռք», 1962, 16 օգոստոսի, թիվ 32, էջ 2:

³ «Սփիւռք», 1961, 24 հունվարի, թիվ 3, էջ 1:

⁴ Հայտնի է, որ Աղասի Խանջյանին հասցեագրված մեղադրանքների մեջ եղել է նաև Ղարաբաղի ճակատագրով մտահոգվելը: 1962 թվականին Սիմոնյանը գրում է, թե անցնող 42 տարիներին Սովետական Հայաստանը Ղարաբաղյան հարցի լուծումը չի հետապնդել, այդպիսով շրջանցում է մի եզակի ու կարևոր անկյունաքար՝ 1945թ. վերջին Գրիգոր Հարությունով-Հարությունյանը համարձակվեց ուղղակի դիմել Ստալինին և առաջարկել, որ Լեռնային Ղարաբաղը միացվի Հայաստանին:

⁵ «Սփիւռք», 1962, 8 նոյեմբերի, թիվ 44, էջ 2:

արտասահմանի մեջ – հայութեան ներկային ու ապագային չհաւատացող, շահախնդիր, դիմադրութենէ պարպուած եւ ուժացող հայերն են»: Եվ դժբախտաբար, արտասահմանից Հայաստան այցելողները, հատկապէս մտավորականները իրենց տպավորությունները և ներշնչումները հաճախ ստանում են վատ հայերից, որոնք իրենց միջոցների շնորհիվ մոլորանքի մեջ են ձգում այցելու հայ մտավորականներին և նրանց միջոցով՝ արտասահմանի հայությանը:

«Մփիւռք»-ի 1963 թվականի դեկտեմբերի 31-ի համարում հրատարակվում է «Յուշագիր»՝ ուղղված Սովետական միության դեկավարին՝ Ն.Խրուշչովին: Հուշագիրը ստորագրում են Լ.Գ.-ի շուրջ 2500 հայ բնակիչներ, որոնք պահանջում էին Ղարաբաղի միացումը Հայաստանին¹: Թե ինչպէս արձագանքեց Խրուշչովը արցախահայության պահանջին, հայտնի չէ, բայց Խրուշչովի՝ տարեմուտի պատգամը անմիջականորեն «լույս սփռեց» նրա դիրքորոշումների վրա: «Մփիւռք» շաբաթաթերթի 1964 թվականը բացող առաջին համարի խմբագրականում («Բժիշկ, բժկեա՛ զանձն քո») Միմոնյանը բավականին սուր կամիթներով անդրադառնում է Խրուշչովի Ամանորյա ճառին, որով Խորհրդային Միության դեկավարը կոչ էր անում սահմանային ու հողային վեճերի պարագայում հրաժարվել զենքի գործածությունից և նախընտրել խաղաղ բանակցությունների ուղին: Միմոնյանին վրդովեցնում է հատկապէս Խրուշչովի այն պահանջը, թե «լայնախոհութեամբ, փոխադարձ հասկացողութեամբ լուծուին հողային այն վեճերը, որոնք պատմական տուեալներու վրա կը հիմնուին եւ կամ խնդրո առարկայ կը դարձնեն կրօնական-ազգակցական հարցեր»: Հակադարձելով Խրուշչովին՝ Միմոնյանը հարցնում է. 1. - Ղարաբաղի եւ Նախիջեւանի հարցերը կը հիմնուին «պատմական տուեալներու» վրայ, 2. - Ղարաբաղի եւ Նախիջեւանի հայերը «կրօնական-ազգակցական» կապ ունին Հայաստանի հայերուն հետ: Սրելով հակադրումը՝ «Մփիւռք»-ի խմբագիրը հռետորական հաստու շեշտադրումով հարցնում է, թե Խրուշչովը արցախահայության իրեն ուղղած հուշագրում «չտեսա՛վ նման «պատմական տուեալներ եւ կրօնական-ցեղակցական հարցեր»: Ի՞նչ պատասխան տվեց Սովետական միության դեկավարը ղարաբաղցիների պահանջին – գրում է Միմոնյանը - «ղարաբաղցիներ, որոնք Սովետական Միության ամենէն հաւատարիմ, հաւատավոր ու նուիրեալ քաղաքացիները եղան, եւ հայրենական մեծ պատերազմին տուին ամենէն մեծաթիւ հերոսները, իրենց բնակչութեան թիւին համեմատ»²:

Անդրադառնալով հույն-թուրքական «աննշան» հակամարտությանը, ինչի առթիվ էլ Խրուշչովը կոչ էր հղել, «Մփիւռք»-ի խմբագիրը ավելորդ չի համարում փաստեր ու թվեր ի ցույց դնել կղզու ընդհանուր բնակչության 17 %-ը կազմող Կիպրոսի թուրքերի մասին, մինչդեռ արցախահայությունը 90% համեմատություն են կազմում «Դավիթ Բեկի երկրին մեջ»: Միմոնյանը զարմանք է հայտնում, թե ինչէ՛ր կպահանջեն և ինչպէ՛ս «լսել կուտան իրենք զիրենք այդ փոքրաթիվ ու փաքրամասնություն կազմող թուրքերը, ի՛նչ հմարձակությամբ միանալ կուզեն ծովով բաժնուած Թուրքիային»³: Այնինչ ամեն ինչով Հայաստանին ձուլված Ղարաբաղն ու Նախիջեւանը իրենց «ջախջախիչ մեծամասնութեամբ», իրենց «պատմական, կրօնական-ցեղակցական տուեալներով» կմնան Հայաստանից բաժանված՝ պատմության մեծագույն անարդարության աճելիով: Միմոնյանը հողային հարցը դիտարկում է լայն կտրվածքով՝ նաև խորհրդային այլ հանրապետությունների առջև ծառացած նմանատիպ հարցերի համեմատական քննությամբ: Հրապարակումներից մեկում անդրադառնալով Սովետական միության մեջ տեղի ունեցող ընթացիկ

¹ Նշենք, որ արցախահայության կողմից 1963թ. ստորագրված հուշագիրը 2-րդ համարձակ քայլն էր: 1962 թվականին նույնպես Լ.Գ.-ի շուրջ 350 բնակիչներ նամակով դիմել էին ԽՄԿԿ Կենտկոմ՝ պահանջելով, որ Ղարաբաղը միացվի Խորհրդային Հայաստանին: Համախոսականը Խրուշչովի մակագրությամբ տրվել էր Հայաստանի այդ օրերի դեկավարին՝ ծանոթանալու և իր եզրակացությունը Կենտկոմ ներկայացնելու համար: Բ. Ուլուբաբյանի վկայությամբ՝ դեկավարը ծանոթացել էր և վերջին էջի տակ թողել իր ինքնագիրը, թե նման տրամադրությունների հիմքն ազգայնամոլությունն է, դաշնակցական գաղափարախոսությունը, որի դեմ մենք ամենօրյա պայքար ենք մղում: Ուլուբաբյանը չի նշում Խրուշչովին ուղղված երկրորդ հուշագիր-համախոսականի մասին, որը հրատարակվեց «Մփիւռք» շաբաթաթերթում՝ 1963թ.-ին, և որը ստորագրեցին Լ.Գ.-ի 2500 բնակիչներ: Խորհրդային Հայաստանում Ղարաբաղյան հիմնահարցը այս կամ այն չափով սկսել են արժարծել 1965 թվականից հետո, այնինչ Սփյուռքում, ի դեմս Լիբանանում լույս տեսնող «Մփիւռք» շաբաթաթերթի, հողերի պահանջը բարձրացվել է դեռ 1958-1959 թվականներին:

² «Մփիւռք», 1964, թիվ 1, էջ 1:

³ Նույն տեղում, էջ 11:

սահմանային փոփոխություններին, «սրբագրություններին», որոնց ենթարկվել են Խազախստանը, Թուրքմենստանը, Ուզբեկստանը, Ղրիմ-Ուկրաինան և այլ երկրամասեր, խմբագիրը հարց է առաջ քաշում, թե ինչու «սովետական արդարադատությունը, դիալեկտիկան եւ այլն, կը գործեն ուղիղ արեւելքի, կը գործեն ճկուն՝ արեւմուտքի մէջ, իսկ բոլ թ՝ հարաւի մէջ»: Ղարաբաղն իր բնակչության համեմատությամբ ինչով է տարբերվում «խազախ, թուրքմեն, ուզբեկ, գերման, լեհ փոխանակված շրջաններու բնակչութիւններու համեմատութենէն»¹:

Անդրադարձներից մեկում «Սփիւռք»-ը խիստ դատապարտում է «Նաիրի» շաբաթաթերթի անխոհեմ հայտարարությունը, թե «Հայաստանի ներքին սահմաններու հարցը ունի իր պաշտոնական մասնագետները, մենաշնորհեալ մունետիկները եւ բազմաշնորհ ... կապիկները», և այդ առնչությամբ հռետորական բնույթի 16 խայթիչ հարց է ուղղում թերթի խմբագրությանը՝ մեղադրելով հակազգային քարոզչության մեջ: «Կապիկներ են Աղասի Խանջանը, Դերենիկ Դեմիրճյանը, ռամկավարները, Վազգեն կաթողիկոսը (1956, մայիսի 12), որոնք զբաղած են Ղարաբաղով», - գրում է Սիմոնյանը: - Այսինքն «Նաիրին» ճիշտ ու արդա ը է գտնում Ղարաբաղի բաժանված լինելը Հայաստանից, համոզված չէ՞, որ Ղարաբաղը պատմական Հայաստանի մասն է: Հարցադրումների շրջանակը ի ցույց է դնում շաբաթաթերթի աններելի վարքագիծը և գաղափարական դատապարտվածությունը Ղարաբաղի հարցի շուրջ: «Լքած ըլլալ կը թուիք Ձեր հին ճամբան, իբրեւ «հին երազ»... , - տխուր եզրակացության է հանգում Սիմոնյանը՝ խոսքը, բնականաբար ուղղելով «Նաիրի»-ի խմբագիր Անդրանիկ Ծառուկյանին և բառախաղով շարունակում, թե մինչև երբ պիտի նա շարունակի իր «նոր ճամփան»՝ ի դժբախտություն Հայաստանի: Հարցադրումներում Ղարաբաղի հիմնախնդրով մտահոգ անձանց մեջ Սիմոնյանը տալիս է նաև Դերենիկ Դեմիրճյանի անունը: Բարեպատեհորեն հակված ենք ենթադրելու, որ ինչպես հրապարակումներից մեկում է ակնարկում, Ղարաբաղի հարցը «Սփիւռք»-ում բարձրացնելու հորդորն ու խորհուրդը հենց Դեմիրճյանից է տվել Սիմոն Սիմոնյանին: Ավելին, պարզ է դառնում, որ 1950-ականներին արդեն Սիմոնյանը ծանոթ էր Դեմիրճյանի արխիվում 2014թ. - ին Կարինե Ռաֆայելյանի կողմից հայտնաբերված բացառիկ նյութին՝ «Դատողություններ Ղարաբաղի ու Նախիջրանի մասին» խորագրով, որը գրողը հեղինակել էր 1950-ականներին, սակայն հասկանալի պատճառներով չէր հրատարակել: Փաստորեն, Ղարաբաղի հարցը սովետական վարչակարգում ապրող մեր բոլոր մեծերի համար էլ ցավ էր: Ժամանակներն այնպիսին էին, որ այդ մասին չէին կարող մտածել, ուր մնաց գրավոր կամ բանավոր հրապարակումներով հանդես գալին: Սիմոնյանի այս վկայությունը ևս մեկ անգամ հաստատում է, որ նույնիսկ այդ թվականներին Դեմիրճյանը մտահոգ է եղել Արցախի խնդրով և նույնիսկ հորդորել ժողովրդին նվիրված ազատական «Սփիւռք»-ին՝ իր էջերը ծառայեցնելու ազգանվեր այդ գործին:

Շաբաթաթերթը Արցախյան հիմնահարցի շուրջ տարաբնույթ հրապարակումներ է արել նաև 1966, 1967, 1971 և 1978 թվականների թողարկումներում: Լինելով հայկական հողերի վերամիավորման ջերմ պաշտպանը՝ «Սփիւռք» -ն արձագանքում է խնդրի շուրջ եղած բոլոր զարգացումներին: 1966 թվականի օգոստոսի 8-ի Կենտկոմի քարտուղարության ընդունած որոշմանը (ըստ որի՝ հանձնարարվում էր Ադրբեջանի ու Հայաստանի ղեկավարներին համատեղ ջանքերով քննել ԼՂ Ինքնավար մարզը Հայաստանի Խորհրդային Հանրապետությանը միացնելու հնարավորությունը և առաջարկություններ ներկայացնել ԽՍՀՄ Կենտկոմ) Սիմոնյանն արձագանքում է թերթի 1966թ. սեպտեմբերի 8-ի համարում: Փարիզի «Յառաջ» թերթի հաղորդած լուրը Սիմոնյանն ընկալում է յուրովի՝ շարադրելով եզակի մի խմբագրական, ինչպես ինքն է գրում, «լուրեն անդին երկու իրողություններու շուրջ»²: Խմբագրականը յուրօրինակ հետադարձ հայացք է «Սփիւռք»-ում Ղարաբաղյան հիմնահարցի արժարժման ամբողջ ընթացքին: Այն կարծես հանրագումարի է բերում բոլոր ջանքերն ու ձեռնարկները: «Ինչէ՞ր գրեցինք ու չգրեցինք: Բայց ԲԱՆ Զ'ԸՐԻՆԷ: Զըրինք, ինչ որ ՊԷՏԷ է ԸՆԵԻՆԷ», - եզրակացնում է Սիմոնյանը և խորհրդածում «Սփիւռք»-ի կողմից առաջարկված բոլոր այն կենսաշահ ծրագրերի շուրջ, որոնք հանդիպեցին անհասկացողության, անհավատ, իրենք իրենց խոնարհաբար «լուրջ» ու «լրջախոհ» հոչակած մարդկանց հակառակությանը, մարդիկ, որոնց «հայրենասիրությունը ամօթ ու նախատինք պիտի ըլլայ այսօր, վաղը եւ յավիտեան»: «Յառաջ»-ի հաղորդած լուրը, թե հնարավոր է լուծվի Ղարաբաղի

¹ «Սփիւռք», 8 փետրվարի, 1964թ., էջ 2:

² «Սփիւռք», 1966, 8 սեպտեմբերի, թիվ 35, էջ 1:

խնդիրը, Միմոնյանը երկրորդում է ոչ միայն մեծագույն վերապահությամբ, այլև խոր ու տխուր համոզումով, որ «մեզի պէս իրաւունք պահանջել չգիտցող ժողովուրդին բան չի տրուիր»: Մեր կորցրածը հողվածներով ու ճառերով չենք կարող վերաշահել, համոզված է խմբագիրը, իրավունքի գիտակցությունը «կ'ընթանայ ա'յլ ճամփաներէ, ուր դեռ կոխած չենք»:

Բանն այն է, որ Միմոնյանը ի սկզբանէ կարևոր դեր է վերապահել սփյուռքահայությանը՝ բարձր գնահատելով նրա հնարավորությունները հողային հարցին գործնական ընթացք տալու, համազգայնացնելու գործում: Տարբեր հրապարակումներում նա առաջարկել ու կոչ էր արել պատրաստել «հանրագրություն» և իրավունք ունեցող ու իրավագակված ժողովրդի համոզումով ներկայացնել Սովետական Միության համապատասխան մարմիններին: Խիստ կարևորել էր Սփյուռքում մեծամասշտաբ համագումարների կազմակերպումը՝ ազգապահպան գաղափարի շուրջ բոլոր քաղաքական կուսակցությունների մեկտեղումով: Քայլեր ու ծրագրեր, որոնք, ըստ Միմոնյանի, կարող էին նպաստել հարցի լուծմանը, բայց չարվեցին, որովհետև «նախ՝ միացած չէինք, երկրորդ՝ անհավատ էինք եւ երրորդ՝ իրաւունքի ու ինքապաշտպանութեան բնագղէն քիչ մը զրկուած էինք (երրորդ տեսակէն՝ թիւրքը, քիւրտը ր ուրիշ մը ունին շատ ու շատ)»¹: Ղարաբաղին տիրանալու համար, Միմոնյանի համոզմամբ, չարեցինք արժանավոր գործ և չցուցաբերեցինք համաստիճան իմաստություն:

Ընդհանուր առմամբ, «Սփիւռք» շաբաթաթերթը Արցախյան հիմնահարցի արծարծումներում գրեթէ միշտ իրատեսական դիրքերում էր կանգնած: Դառնալով Արցախյան հիմնահարցի բարձրացման նախանձախնդիրն ու առաջամարտիկը Սփյուռքում և գրեթէ երկու տասնամյակ քննարկելով ներքին հողային հարցերը՝ Միմոնյանը աստիճանաբար հանգեց սեփական ուժերին ապավինելու, ազգային ինքնագիտակցությունից սկսելու համոզումնքին: Միմոնյանի գաղափարաբանությունը ամբողջովին սփյուռքահայ իրականության ծնունդ էր՝ կուսակցական թելադրանքներից ազատ, անկաշկանդ, անկողմանալ, հայաշունչ ու հայրենապաշտ: Իրապես, թերթը հայ մտածումի անկախության բեմը դարձավ՝ գրական-գեղարվեստական արդյունավորումներից բացի կարևոր դերակատարություն ունենալով ազգային այժմեական խնդիրների վերհանման, լուծման ուղիների որոնման, հայի ցավը աշխարհալուր դարձնելու, հայության բոլոր հատվածներին կամրջելու գործում: Հրատարակման պահից Արցախյան հիմնահարցը մշտապես եղել է «Սփիւռք»-ի տեսադաշտում: Թեմատիկ այդ շերտի ուսումնասիրությունը ունի ոչ միայն գիտաճանաչողական, այլև արդիական-քաղաքական նշանակություն:

¹ «Սփիւռք», 8 սեպտեմբերի, 1966թ. , թիվ 35, էջ 1: